

LEODIENSIS DIOECESIS:

393

generali celebrato Claremontii in Arvernia, una cum Fratribus Eustatio & Balduino sacram militiam suscepit adversus infideles, pro recuperanda Terra Sancta. Quo tempore Illustris ac vere generosus Heros, ut esset ad militiam illam expeditior, Sperto Episcopo Leodensi Ducatum illum vendidit, majore gloria vendentis quam ementis. Hujus virtute anno c13 15 capta sunt a Christianis Hierosolyma. Ei cum ab exercitu ob præclara merita regnum Hierosolymitanum cum corona offerretur, negavit (en Principis Christiani pectus) se auream coronam aut Regium titulum eo loco suscepturum, in quo Servator humani generis coronam spineam tulisset. *Francimontium* olim Opidum fuit muro clausum, nunc muris disiectis patet: in eo Cardinalis Eradus, quem antea retuli, munimentum extruxit. Abest Leodio iv miliaribus, estque titulo Marchionatus insignitum. *Tuini* (pagus hic est Francimontio proximus,) Metalla sunt plumbi optima, & in montibus vicinis Lapidicinae Marmoreæ. *Tungri* tribus mill. absunt a Traiecto Mosæ, (*Maestricht*) totidem a Leodio: Civitas eorum *Tongren* hodie appellatur, sita ad fluvium *Iesher*, nomen habet a Tungris Germaniæ populis, qui relicta patria primi Rhenum trajecerunt, & has sibi delegerunt sedes. Urbs est omnium Brabantiae Civitatum antiquissima. Ab hac urbe usque Luteriam Parisiorum iter est Mill. Ital. cc quod totum iter lapide constratum fuit, exstantibus etiam nunc ejus viæ reliquiis manifestissimis. Argumentum summæ antiquitatis est Templum Herculis intra urbem, cujus statua ante portam etiam hodie conspici potest. *Hoinm*, *Hoy*, habet appellationem a rivulo impetuossimo qui hoc loco in Mosam præceps fluit, distat Leodio v mill. Quarto milliari a Leodio ad Demerum Opidulum est *Bissen*, & extra illud pagus *Munsterbilsten*, Tertio milliaria Tungris urbs est *S. Trudonis*, vulgo *Saint Truden*, *Centronum*, ut quidam arbitrantur sedes, quorum frequens apud Iulium Cæsarem mentio. Vno milliari a Leodio pagus est *Ebure*, quæ Eburonum caput fuisse creditur. Traiecti partem, ut & hoc obiter addam, huic Diocesi accessisse ex donatione Pori, cujusdam Lovaniensis Comititis, scribit Placentius. Reliqua Opida brevitati studens omitto. Fluminibus undique rigatur hæc regio, quorum maxima pars Mosæ miscetur suntque *Legia*, sive *Legio*, *Vtes*, *Veses*, *Ambluarus*, *Ieckel*, *Hoy*, *Vesera*, *VL*, *Voer*, *Vrt*, reliqui per Demeram ad *Fluminem*. Scaldin deferuntur: uti sunt *Ratbeck*, *Stimmer*, *Herek*, *Hesp*, amnes limpidissimi, qui Piscium fluviatilium genus omne abunde subministrant. Fons hic fuit de quo litigant inter se Viri docti. Alii contendunt esse adhuc intra urbem: alii (quibus adsentitur accuratissimus Scriptor & qui hujus rei fidem singulari cura experiri voluit Lud. Guicciardinus) extra eam, sesquimiliari a Limburgo, v mill. a Leodio, vii i a Tungris, iuxta *Spa* vicum, in *Montes*. Nemore quodam amœno & jucundo, parte Silvæ Arduennæ. Huius fontis mirabilis efficacia in morbis desperatissimis, Phtisi, Hydrope, Febribus atque aliis. Montibus etiam Regio hinc inde attollitur, in quibus divites Fodinae, de quibus supra. Silvis etiam passim umbrosa; Arduennæ portiones sunt Silvæ Iulio Cæsari celebratissimæ. Eius Portiuncula Comitatus vicina *Salmus Marlignianus* dicitur. Atque hæc hæc haftenus de Diocesi Leodienâ; nunc ad reliqua Pergamus.

D d d

Qui